



Službeni glasnik

GRADA GRADAČAC

Službeni glasnik izlazi po potrebi	BROJ 8/25 GRADAČAC Petak, 18.07.2025.god.	"Službeni glasnik" izdaje Gradsko vijeće Gradačac. Za izdavača: Nedžad Šečić predsjedavajući Gradskog vijeća. Štampa: "EKEprint" Gradačac
---------------------------------------	--	---

1.

Na osnovu člana 13. stav 2. alineja 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 92. stav (1) Zakona o budžetima u Federaciji BiH ("Službene novine Federacije BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22), člana 21. tačka 3. Statuta Grada Gradačac („Službeni glasnik Grada Gradačac“, broj 10/22) i člana 25. stav (3) Odluke o izvršenju Budžeta Grada Gradačac za 2025. godinu („Službeni glasnik Grada Gradačac“, broj 2/25), Gradsko vijeće Grada Gradačac, na 8. redovnoj sjednici održanoj 17.07.2025. godine, razmatrajući Izvještaj o izvršenju Budžeta Grada Gradačac za period 01.01 - 30.06.2025. godine, donosi

ZAKLJUČAK

I

Gradsko vijeće Grada Gradačac usvaja Izvještaj o izvršenju Budžeta Grada Gradačac za period 01.01-30.06.2025. godine.

II

Ovaj zaključak stupa na snagu danom objavljivanja u „Službenom glasniku Grada Gradačac“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -

Broj:01-04-312/25 ZAMJENIK PREDSJEDAVAJUĆEG
Datum:17.07.2025.god. GRADSKOG VIJEĆA
G r a d a č a c Selma Sejdić, s.r.

2.

Na osnovu člana 13. stav 2. alineja 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 I 51/09) i člana 21. stav 1. tačka 4. Statuta Grada Gradačac („Službeni glasnik Grada Gradačac“, broj 10/22), na prijedlog Gradonačelnika, razmatrajući Program održavanja ulica, lokalnih i nekategorisanih cesta i trotoara u zimskom period za sezonu 2025-2026. godina, Gradsko vijeće Grada Gradačac na 8. redovnoj sjednici održanoj 17.07.2025. godine, donosi

PROGRAM

održavanja ulica, lokalnih i nekategorisanih cesta i trotoara u zimskom periodu za sezonu 2025-2026. godina

1. ZIMSKO ODRŽAVANJE

Održavanje puteva se sastoji iz:

- Redovnog održavanja puteva koje je aktivno tokom cijele godine
- Održavanja prohodnosti puteva u zimskom periodu (zimska služba) koja je aktivna od 15.novembra do 15.marta a po potrebi i nalogu ovlaštenog predstavnika Ugovornog organa i duže.

Eventualno produženje zimskog održavanja zavisi od vremenskih uvjeta, a obračunavat će se u skladu sa stepenom zimskc službe.

Informisanja Ugovornog organa i učesnika u saobraćaju o stanju na putevima koje je aktivno tokom cijele godine informisanje se ne plaća posebno obzirom da je isto sadržano u jediničnim cijenama radova.

O izvršavanju radova održavanja cesta vodi se građevinski dnevnik i građevinska knjiga. Obračun radova zimske službe će se izvršiti prema stepenu pripravnosti evidentirane i ovjeren od strane nadzorne osobe ugovornog organa.

Građevinski dnevnik Izvođač vodi svakodnevno, a nadzorni organ dnevnik potpisuje najkasnije u roku od 7 dana. U građevinski dnevnik obavezno se upisuje početak i završetak pojedinih radova sa navedenom stacionažom. Sva odobrenja koja po ugovoru daje nadzorni organ upisuju se u građevinski dnevnik i moraju biti tačno precizirana pozicionirana.

Građevinsku knjigu vodi Izvođač radova. Izvršeni radovi unose se u građevinsku knjigu po završetku svake faze (pozicije) radova, a u slučaju kada radovi traju duže vremena, obračun stvarno izvršenih količina vrši se do kraja mjeseca za tekući mjesec.

Građevinsku knjigu ovjerava nadzorni organ po izvršenju radova, odnosno najkasnije do kraja mjeseca za tekući mjesec.

Po izvršenju radova koji predstavljaju određenu tehničku i funkcionalnu cjelinu, a obavezno barem jednom mjesečno za pozicije radova koje su u toku, vrši se primopredaja radova po količini i kvalitetu, a na osnovu operativno tehničke dokumentacije o izvršenju radova (građevinski dnevnik, građevinska knjiga, dinamički plan) te pregleda stanja izvršenih radova na terenu.

Zimsko održavanje se realizuje kroz 4 LOT-a i to:

1. **LOT 1- ODRŽAVANJE PROHODNOSTI GRADSKIH ULICA U ZIMSKOM PERIODU**
2. **LOT 2- ODRŽAVANJE PROHODNOSTI LOKALNIH CESTA U ZIMSKOM PERIODU**
3. **LOT 3- ODRŽAVANJE PROHODNOSTI PJEČAČKIH STAZA U ZIMSKOM PERIODU**
4. **LOT 4- ODRŽAVANJE PROHODNOSTI NERAZVRSTANIH CESTA U ZIMSKOM PERIODU**

1.1. ZIMSKA SLUŽBA

(Održavanje javnih cesta i objekata u zimskim uvjetima)

Pod održavanjem cesta u zimskim uvjetima (u daljem tekstu: zimska služba), podrazumijevaju se radovi neophodni za održavanje prohodnosti cesta i sigurnog odvijanja prometa.

Da je prohodnost cesta osigurana podrazumijeva se ako visina snijega na kolniku ne prelazi 10 cm i ukoliko je promet moguć vozilima koja su opremljena zimskom opremom. Zimska služba djeluje uvođenjem stupnja pripravnosti ovisno o

očekivanim vremenskim uvjetima i geografsko-klimatskim karakteristikama područja.

Prvi stupanj pripravnosti, uvodi se početkom rada zimske službe, a prema operativnom programu.

Od 15.11. do 15.03. uvodi se stalno dežurstvo u mjestima pripravnosti, uspostavlja se stalna veza u skladu sa programom rada, te osigurava potreban broj ljudstva i mehanizacije radi intervencije u slučaju potrebe (ophodarska služba i kamioni sa ralicom i posipačem).

Radovi u zimskoj službi

Radovi održavanja u zimskim uvjetima su:

- a) pripremni radovi prije nastupanja zimskih uvjeta,
- b) organiziranje mjesta pripravnosti i njihovo označavanje,
- c) zaštitne mjere protiv stvaranja poledice, snježnih nanosa, smetova i lavina,
- d) čišćenje snijega sa kolnika i prometne signalizacije,
- e) obilježavanje ruba kolnika,
- f) osiguranje odvodnje sa kolnika,
- g) uklanjanje vozila sa kolnika ceste (oštećena vozila, vozila u kvaru i zastala vozila koja ometaju promet),
- h) postavljanje posebne prometne signalizacije u slučajevima posebnog režima prometa ili zatvaranja dijela ceste,
- I) informisanje javnosti o stanju i prohodnosti cesta.

OPERATIVNI PROGRAM RADOVA NA ODRŽAVANJU ULICA, LOKALNIH I NEKATEGORISANIH CESTA U ZIMSKOM PERIODU 2025.GODINE

Mjesto pripravnosti zimske službe

Mjesto pripravnosti (PUNKT) zimske službe treba biti lociran na području Grada Gradačac. Razloga za pomenutu lokaciju ima više, a osnovni razlozi su slijedeći:

- kvaliteten uvid stanja na cestama,
- kvalitetno praćenje temperatura zraka,
- pravovremena intervencija na cestama,
- kvalitetnije informisanje o stanju na cestama.

Prioriteti održavanja u zimskom periodu

Ulica koja ima prioritet u Gradačcu je ulica „H.k.Građašćevića“, a zatim ulice „Hadžiefendijina“, „Titova“, „Kadić Mahala“, „Hasana Kikića“, „Šehida“, „VII bataljon“, „6.april“ itd.

Prohodnost lokalnih cesta je vrlo bitna, jer iste vezuju dvije ili više mjesnih zajednica, kao i mjesne zajednice sa gradom. Prioritet na održavanje u zimskom periodu imaju ceste koje povezuju više mjesnih zajednica, ceste kojima se kreću autobusi i ceste koje imaju nepovoljan položaj, odnosno loše elemente trase (uzbrdce, nizbrdce, oštre krivine i sl).

Nekategorisane ceste povezuju zaseoke sa centrima mjesnih zajednica i kao takvi imaju svoju važnost. Čišćenje ovih cesta će se obaviti nakon što se uspostavi prohodnost lokalnih cesta.

Potreban broj ljudstva, mehanizacije i materijala za čišćenje snijega i posipanje kolovoza i njihov razmještaj po mjestima pripravnosti

Za kvalitetno održavanje prohodnosti gradskih ulica i pješačkih staza u gradu pored adekvatne mehanizacije potrebno je na punktu zimske službe imati grupu radnika za čišćenje pješačkih staza i prijelaza preko ulica. To se prije svega odnosi na ulice: „H.k.Gradašćevića“, „Titova“, „Hadžiefendijina“, „H.Kikića“, „I.Kapetanovića“, „R.Husejnagića“, „Sviračka“, „Sarajevska“, „6.bataljon“, „Hazna“ i prilaze Javnim ustanovama. Pored toga, određen broj radnika treba biti u pratnji mehanizacije, kao pomoćni radnici. Na čišćenju snijega i posipanju ulica potrebna su 2 (dva) vozila od kojih jedno manje zbog uskih ulica. Oba vozila moraju imati plug za razgrtanje snijega i posipač za so (utovarni ili vučni). Pored navedenog, na punktu mora biti mašina za utovar posipnog materijala kao i jedno rezervno vozilo sa kompletnom opremom za slučaj kvara ili većih padavina. Izvođač radova je obavezan da nabavi dovoljnu količinu soli za posipanje ulica i istu uskladišti na punktu zimske službe do početka zimske službe, odnosno do 15.11. tekuće godine.

Mjesto pripravnosti zimske službe za održavanje gradskih ulica treba biti u gradu ili što bliže gradu zbog,

- kvalitetnijeg uvida stanja na ulicama,
- bržeg djelovanja na vremenske neprilike i
- kvalitetnijeg korištenja radnog vremena.

Po isteku ugovorenog termina za održavanje gradskih ulica i trotoara u zimskom periodu, izvođač radova je obavezan izvršiti čišćenje abrazivnog materijala sa kolovoza i trotoara, a po potrebi izvršiti pranje gdje to procijeni nadzorni organ, a sve u roku od petnaest dana od završetka zimske službe.

NAPOMENA : Posipni materijal za sprečavanje poledice na ulicama i trotoarima je industrijska so za ceste bez ikakvih dodataka.

Za kvalitetno održavanje prohodnosti u zimskom periodu na lokalnim cestama potrebno je imati najmanje četiri vozila sa zimskom opremom (plug snježni, posipač soli). Svako vozilo mora imati posadu, koja se sastoji od jednog vozača i najmanje jednog pomoćnika koji pomaže utovar posipnog materijala u posipač i da prati rad posipača u vrijeme posipanja kolovoza i naravno da vodi računa o ispravnosti priključaka na vozilu. Zbog makadamskih dionica lokalnih cesta na punktu je

potrebno imati mašinu za razgrtanje snijega (grejder ili utovarivač sa plugom). Jedno vozilo sa opremom (plug i posipač) mora biti na punktu kao rezervno za slučaj većeg kvara na aktivnim vozilima ili za slučaj obilnijih padavina. Pored navedenog, na punktu zimske službe moraju biti radnici i mašine za pripremu posipnog materijala. Za posipanje asfaltnih kolovoza na lokalnim cestama koristit će se mješavina soli i kamenog agregata 4-8mm, a omjer soli i kamenog agregata zavise od količine padavina, što procjenjuje stručno lice (dežurni rukovodni radnik) na punktu zimske službe. Najpovoljnije mjesto za punkt zimske službe je područje Grada Gradačac zbog brže intervencije, lakšeg praćenja stanja na cestama, korištenja radnog vremena i manjih materijalnih troškova. Izvođač radova je obavezan da nabavi i uskladišti na punktu zimske službe dovoljnu količinu soli za ceste i kamenog agregata 4-8mm za cca 140 km lokalnih cesta za 4 mjeseca zimskog perioda.

NAPOMENA: Posipanje lokalnih makadamskih cesta se vrši isključivo kamenim agregatom 4-8mm.

Za kvalitetno održavanje prohodnosti nekategorisanih cesta u zimskom periodu potrebno je jedno vozilo sa zimskom opremom (plug snježni, posipač). Za slučaj kada su padavine obilnije, na punktu je potrebno imati i rezervno vozilo ili mašinu sa adekvatnom opremom (plug snježni). Nekategorisane ceste sa asfaltnim kolovozom se posipaju mješavinom soli za ceste i kamenog agregata 4-8mm. Odnos materijala u mješavini određuje stručno lice na punktu zimske službe, a zavisi od stanja na cestama i padavina u tom trenutku.

Mjesto pripravnosti za održavanje nekategorisanih cesta treba biti na području Grada Gradačac zbog kvalitetnijeg praćenja stanja na cestama, praćenja temperatura, padavina i zbog brže intervencije.

Punkt mora biti snabdjeven dovoljnom količinom soli za ceste i kamenim agregatom 4-8mm.

NAPOMENA: Posipanje nekategorisanih makadamskih cesta se vrši isključivo kamenim agregatom 4-8mm.

DINAMIKA PROVOĐENJA POJEDINIH AKTIVNOSTI

Čišćenje snijega počinje kada snježni pokrivač dostigne debljinu 5cm na terenu (van kolovoza) i ovu aktivnost završiti u kontinuitetu bez prekida. Sa posipanjem kolovoza posipnim materijalom u cilju sprečavanja poledice izvođač je obavezan početi prije nego što temperatura zraka dostigne vrijednost 0°C kada ista ima tendenciju pada i ovu aktivnost izvršiti u kontinuitetu bez prekida.

Kvalitetno očišćena cesta od snježnih padavina je cesta na kojoj poslije čišćenja na kolovozu nigdje nema snijega. Kvalitetno izvedeno sprečavanje poledice podrazumijeva stanje kolovoza kojim se mogu kretati vozila bez rizika klizanja.

Informisanje o stanju prohodnosti cesta, izvođač obavlja svakodnevno do 8 sati i 30 minuta na telefon ovlaštenog predstavnika investitora, a po potrebi i više puta u toku dana. Informacije koje su date telefonom unose se svakodnevno u dnevnik zimske službe. Informacije o stanju na cestama izvođač je dužan dati lokalnom radiju i Policijskoj upravi na njihov zahtjev.

U cilju blagovremenog djelovanja na sprečavanju poledice na ulicama, lokalnim i nekategorisanim cestama, izvođač je obavezan obezbijediti stalno (24 sata) praćenje temperatura zraka i isto evidentirati u dnevnik izvođenja radova kao i stalno dežurstvo.

Na svim punktovima zimske službe, izvođač radova je dužan da vodi dnevnik zimske službe na propisnim obrascima. Dnevnik se vodi u 2 (dva) primjerka od kojih po 1 (jedan) primjerak pripada svakoj ugovornoj strani.

U dnevnik se obavezno upisuju slijedeći podaci:

- broj vozila i mašina na punktu po vrsti sa priključnom opremom, registarski odnosno inventarski broj, ispravnost mašine odnosno vozila, podaci o rukovaocima, podaci o pomoćnim radnicima (vrijeme njihovog rada i gdje, koliko i šta su radili), podaci o temperaturama zraka, padavinama (kada su padavine počele, kada su prestale, visina snježnog pokrivača) i materijalima za posipanje, prijem, potrošnja i stanje, podaci o prohodnosti i stanju na cestama i prometnim uslovima.

U dnevnik se unose i podaci o obilasku cesta i stanje utvrđeno u vrijeme obilaska.

Nadzor i kontrola provođenja zimske službe

Nadzor nad izvođenjem radova održavanja ulica, lokalnih i nekategorisanih cesta u zimskom periodu će vršiti nadležna služba Grada Gradačac putem nadzornih organa.

Nadležna služba Grada Gradačac je dužna pismeno obavijestiti izvođača radova o licima koja će u njeno ime vršiti funkciju nadzornog organa.

Uslovi, kada se zbog sigurnosti prometa isti ograničava ili zabranjuje za pojedine vrste vozila

Viši stepen pripravnosti uvodi se kada snježne padavine uz jak vjetar imaju karakter elementarne nepogode i kad raspoloživi broj ljudi i mehanizacije nisu dovoljni za uklanjanje snijega i kada se uz saglasnost nadležnog gradskog organa uvode i dodatna sredstva rada i radna snaga.

U tim uslovima, nadležni gradski organ može odobriti privremenu zabranu prometa za pojedine kategorije vozila ili za sav promet radi sigurnosti učesnika u prometu.

Zakon o cestama FBiH u Članu 8. kao i Kriterijumi za kategorizaciju puteva (sveska 1, Sistem kategorizacije, Sarajevo – Banja Luka 2005) navodi razvrstavanje javnih cesta na autoceste, brze ceste, magistralne ceste, regionalne ceste i *lokalne ceste*.

U nadležnosti grada Gradačac su lokalne ceste. Lokalne ceste u svom sastavu imaju i *javne staze*.

Lokalne ceste povezuju naselja u općini sa naseljima iz susjednih općina/ gradova, ili povezuju važnija naselja unutar općine, te povezuju saobraćaj na druge javne ceste iste ili više kategorije.

Javne staze su saobraćajnice namijenjene za povezivanje naselja ili dijelova naselja u okviru općine/ grada, a ne ispunjavaju propisane kriterije za lokalne ceste, ili su predviđene samo za određenu vrstu učesnika u saobraćaju (ceste i staze u stambenim zonama, seoske ceste i staze, pješačke staze, biciklističke staze, konjske staze I slično.)

Potrebno je uzeti u razmatranje da se napravi prekategorijska *nekategorisanih cesta na ceste I reda i ceste II reda na području grada Gradačac* koje po Zakonu se svrstavaju u Javne staze. Većina nekategorisanih cesta na području grada Gradačac su ceste po seoskim naseljima, neodovoljnih tehničkih parametara i uslova za normalno odvijanja saobraćaja u oba smjera.

Važno je napomenuti da se razlikuje broj putnih pravaca (kilometara) koji se tretiraju kroz ljetno i zimsko održavanje. Kroz ljetno održavanje imamo veći broj putnih pravaca, zbog same činjenice da postoji veliki broj nerazvrstanih cesta koje su makadamske i koje služe kao prilazni putevi poljoprivrednim dobrima i parcelama, te se koriste za vrijeme sjetvih i obrađivanja poljoprivrednih dobara. Iste te kroz ljetno održavanje nasipamo i uređujemo, dok kroz zimsku službu ih ne tretiramo.

PRILOG:

1. Tehnička specifikacija za održavanje prohodnosti „gradskih ulica“
2. Tehnička specifikacija za održavanje prohodnosti „lokalnih puteva“
3. Tehnička specifikacija za održavanje prohodnosti „trotoara“
4. Tehnička specifikacija za održavanje prohodnosti „nekategorisanih puteva“

ZIMSKO ODRŽAVANJE PROHODNOSTI CESTA NA PODRUČJU GRADA GRADAČAC za period od 15.11.2025. - 15.03.2028. godine						
<i>LOT_1</i>						
Tehnička specifikacija za održavanje prohodnosti GRADSKIH ULICA u zimskom periodu za 2025. - 2028. godinu						
<i>red br.</i>	<i>Oznaka</i>	<i>Dužina (km)</i>		<i>UKUPNA DUŽINA (km)</i>	<i>Opisi dionica</i>	
		<i>asfalt</i>	<i>makadam</i>			
1	Gradska ulica	1,2	0,0	1,2	Titova-H.K.Gradašćevića	
2	Gradska ulica	3,0	0,0	3,0	Sarajevska-Šećića sokak (3 sokaka)	
3	Gradska ulica	2,0	0,0	2,0	Sviračka-I bataljona-Mustafe Novalića-Točak - Vidal/rasadnik	
4	Gradska ulica	3,0	0,0	3,0	Enterijer-Rijeka-Mejremići-sokak pored Radeta i potok Svičara	
5	Gradska ulica	1,2	0,0	1,2	Esada Taslidžića sa sokacima	
6	Gradska ulica	1,5	0,5	2,0	Gradačačkih brigada-Rakija-Bunarić i 4 sokaka	
7	Gradska ulica	2,0	0,0	2,0	Branilaca grada-Bagdala sa 4 sokaka	
8	Gradska ulica	2,5	0,0	2,5	Šehida-7.bataljon-6.april, 1.marta i 2 sokaka	
9	Gradska ulica	1,5	0,0	1,5	Hasana Durmiševića sa 5 sokaka	
10	Gradska ulica	0,7	0,0	0,7	Hasana Kikića i tri slijepe ulice	
11	Gradska ulica	3,5	0,0	3,5	Kikići-Požarlike sa 11 sokaka	
12	Gradska ulica	0,5	0,0	0,5	1. maj	
13	Gradska ulica	0,5	0,0	0,5	Varoška i Franje Matića	
14	Gradska ulica	2,5	0,0	2,5	Požarlike sa 8 sokaka (Šeher-Kikići)	
15	Gradska ulica	1,6	0,0	1,6	Čelikovača sa 6 sokaka	
16	Gradska ulica	0,7	0,0	0,7	Rasima Terzić sa dva sokak	
17	Gradska ulica	1,0	0,0	1,0	Nenavište-kroz gradinu, do sviračke džamije, sa sokacima	
18	Gradska ulica	0,5	0,0	0,5	Simiše Mlinarevića	
19	Gradska ulica	1,0	0,0	1,0	I.Kapetanovića-R.Huseinagića-Hadžiefendijina, Legenda	
20	Gradska ulica	1,2	0,0	1,2	Šeher-Karača-Bonaprodukt/ (Željeznička)	

21	Gradska ulica	0,5	0,0	0,5	25.novembar
22	Gradska ulica	0,5	0,5	1,0	Ahmeta Beširovića sa 3 sokaka
23	Gradska ulica	1,5	0,0	1,5	Kadić Mahala sa 5 sokaka
24	Gradska ulica	2,5	0,0	2,5	Hazna sa 8 sokaka
25	Gradska ulica	2,0	0,0	2,0	Ostale manje ulice i Javne ustanove
UKUPNO:		38,6	1,0	39,6	
	UKUPNA DUŽINA LOT-a "1"	Jedinična cijena po KM/km¹	Ukupno cijena	PDV-e	UKUPNO CIJENA LOT-a "1" sa PDV-om
	39,6				
LOT_2					
Tehnička specifikacija za održavanje prohodnosti LOKALNIH PUTEVA u zimskom periodu za 2025.-2028. godinu					
red br.	Oznaka	Dužina (km)		UKUPNA DUŽINA (km)	Opisi dionica
		asfalt	makadam		
1	Lokalni put	6,2	0,0	6,2	Vučkovci kružni tok
2	Lokalni put	3,0	0,0	3,0	Vučkovci-Hrgovi donji (Regionalna cesta R-460)
3	Lokalni put	4,0	0,5	4,5	Gušće (gr.sa Strebrenikom)-Srnice D.- Tinja- Prnjavor
4	Lokalni put	2,9	0,0	2,9	Srnice G.-Bib.Polje-Džakule
5	Lokalni put	5,4	0,0	5,4	M.Mahala-Gluhe-Brdo
6	Lokalni put	3,8	0,0	3,8	M.Mahala-Tufekčije-Avdici
7	Lokalni put	6,0	1,3	7,3	Mlin-Čuste- Bajramovići - Hasanbašići
8	Lokalni put	2,0	0,0	2,0	Kerep-Fazlići-Benzinska pumpa
9	Lokalni put	11,0	0,0	11,0	Kerep-Medjidja D-Medjidja G/ Alići

<i>LOT_4</i>									
Tehnička specifikacija za održavanje prohodnosti <u>NEKATEGORISANIH I OSTALIH PUTEVA</u> u zimskom periodu									
Redni broj	Oznaka	Dužina km		Dionica nekategorisanog puta					
		asfalt	makadam						
1.	Nekategorisana cesta	1,60	-	Mionica II,(škola) - Mustafagići					
2.	Nekategorisana cesta	0,70	0,00	Mionica II, Ajšići-Ajkići					
3.	Nekategorisana cesta	0,60	0,00	Mionica II(škola)- Mesudi					
4.	Nekategorisana cesta	0,00	2,00	Mionica II, Polja-Bahići-Ajkići					
5.	Nekategorisana cesta	1,10	0,50	Mionica II(džamija)-Polja(M 14.1)					
6.	Nekategorisana cesta	0,80	-	Mionica C.- Čolići					
7.	Nekategorisana cesta	0,60	0,00	Mionica C.-Bristre					
8.	Nekategorisana cesta	1,00	0,00	Mionica C.-Vrdoljaci					
9.	Nekategorisana cesta	0,50	0,00	Mionica C.-Vižlini					
10.	Nekategorisana cesta	0,30	0,00	Mionica C.(pijaca)- Mag.put M 14.1					
11.	Nekategorisana cesta	0,20	0,60	Mionica C.(mejtef)-Hanići-Omerčići					
12.	Nekategorisana cesta	0,70	-	Kerep- Karajlići					
13.	Nekategorisana cesta	0,60	0,50	Kerep- Jukani(put prema farmi)					

14.	Nekategorisana cesta	-	3,00	Kerep- Sastavci- B.Polje
15.	Nekategorisana cesta	2,00	0,00	Kerep(mlin)-Fazlići-Kerep C.(B. Pumpa)
16.	Nekategorisana cesta	0,50	1,50	Kerep-JelovčeSelo-Brdo
17.	Nekategorisana cesta	2,20	0,80	Mionica 1-Mujjići-Mujkanovići
18.	Nekategorisana cesta	0,00	0,50	Mionica 1, Ahmetaši-Unkići
19.	Nekategorisana cesta	0,70	0,00	Mionica 1, M 14.1-Dom-Igralište-Pekara
20.	Nekategorisana cesta	0,50	-	Medida G.- Alići
21.	Nekategorisana cesta	0,60	-	Biberovo Polje- Buk
22.	Nekategorisana cesta	0,60	-	Biberovo Polje- Centar
23.	Nekategorisana cesta	0,85	0,00	Biberovo Polje-Džakule
24.	Nekategorisana cesta	1,00	-	Srnice G.- Đogići,Brdo
25.	Nekategorisana cesta	1,00	-	Srnice G.- Muharemovići,Mahala
26.	Nekategorisana cesta	0,50	-	Jasenica (Džamija)- Hodžići
27.	Nekategorisana cesta	0,00	1,50	Jasenica R.-Tupalica Brdo
28.	Nekategorisana cesta	0,00	0,70	Jasenica R.-Stara škola
29.	Nekategorisana cesta	0,70	0,00	Ledenice G.- put kroz Huskiće
30.	Nekategorisana cesta	0,30	1,00	Ledenice G.- put pored prečištača
31.	Nekategorisana cesta	0,60	0,00	Ledenice G.- put pored Ducija
32.	Nekategorisana cesta	0,25	0,50	Ledenice D. Put Bare pored groblja
33.	Nekategorisana cesta	0,50	0,00	Ledenice D. Put Bare prema Markanu

34.	Nekategorisana cesta	0,70	0,00	Ledenice D. Put Zetići-Stevići
35.	Nekategorisana cesta	1,00	0,30	Ledenice D. Put M 1.9-Jurići-Čardački p.
36.	Nekategorisana cesta	0,25	0,00	Ledenice D. Put prema Hipodromu
37.	Nekategorisana cesta	0,90	0,00	Ledenice D. Put Križ-Mag.put M 1.9
38.	Nekategorisana cesta	0,00	1,00	Ledenice D. Put Bjeļjevina-Bor.Polje
39.	Nekategorisana cesta	0,00	1,40	Ledenice D. Put Proboj-Brdo B.Jelke
40.	Nekategorisana cesta	0,00	0,30	Grabov Gaj R.-Porebrice(Gr.E)
41.	Nekategorisana cesta	0,00	1,50	Grabov Gaj,Avramovina R.-Groblje
42.	Nekategorisana cesta	0,20	0,00	Mionica III, put prema školi
43.	Nekategorisana cesta	0,50	3,50	Mionica III,put za Avramovinu
44.	Nekategorisana cesta	0,80	0,00	Mionica III, put kroz Pešaliće
45.	Nekategorisana cesta	0,60	0,00	Mionica III, put za Džinovice
46.	Nekategorisana cesta	0,50	0,00	Mionica III, put za Gluhice
47.	Nekategorisana cesta	0,50	0,00	Mionica III, put za Huseinbašiće
48.	Nekategorisana cesta	0,50	0,00	Novalići, put Novalići R.-Škola
49.	Nekategorisana cesta	0,50	0,00	Okanovići, put prema igralištu
50.	Nekategorisana cesta	0,00	0,50	Okanovići, put kroz Novaliće
51.	Nekategorisana cesta	1,00	0,00	Toke, put Toke(džamija) -Toke naselje
52.	Nekategorisana cesta	0,50	0,00	Toke,put Čuste odvojak lijevo
53.	Nekategorisana cesta	1,00	0,00	Rajska, put za Iverovac
54.	Nekategorisana cesta	0,00	1,00	Rajska,put za Lipicu
55.	Nekategorisana cesta	2,00	0,00	Rajska, put Trafo-Tire
56.	Nekategorisana cesta	0,50	0,00	Tramošnica G.- put prema Čubelama
57.	Nekategorisana cesta	0,00	0,80	Tramošnica G.- put prema Stovrazima
58.	Nekategorisana cesta	0,00	2,00	Tramošnica G.- put prema Samarevcu

59.	Nekategorisana cesta	0,00	3,00	Tramošnica G.-put Liporašće-Taborište
60.	Nekategorisana cesta	0,00	0,50	Vida I, put prema Popovači
61.	Nekategorisana cesta	0,50	0,00	Vida I, put kroz Rasadnik
62.	Nekategorisana cesta	0,00	0,50	Vida I, put prema mezarju
63.	Nekategorisana cesta	0,30	0,00	Vida I, put kroz Avdiće
64.	Nekategorisana cesta	0,00	0,70	Vida I, put pored servisa prema jezeru
65.	Nekategorisana cesta	0,50	0,00	Vida II, put Jezero-Mejtef
66.	Nekategorisana cesta	0,50	0,00	Vida II, put za Zmiće
67.	Nekategorisana cesta	0,00	0,50	Vida II, put za Lipovce
68.	Nekategorisana cesta	0,50	0,00	Vida II, put Kolarevići-jezero Vidara
69.	Nekategorisana cesta	0,00	0,50	Vida II, put kroz naselje Diren
70.	Nekategorisana cesta	0,60	0,00	Vida II, put pored džamije
71.	Nekategorisana cesta	0,00	2,00	Lukavac G.- Zmajevac- Mejtemići
72.	Nekategorisana cesta	1,00	0,00	Lukavac G.- Koluhe
73.	Nekategorisana cesta	0,50	1,00	Lukavac G.- Rijeka
74.	Nekategorisana cesta	0,50	0,00	Lukavac G (mezarje)- Hasanbašići
75.	Nekategorisana cesta	0,00	0,50	Lukavac G. (Kapak)- Rezervoar- Mezarje
76.	Nekategorisana cesta	0,80	0,00	Lukavac G.(spomenik)- Delići
	UKUPNO :	39,15	34,60	
	UKUPNO DUŽINA LOT-a "4"	Jedinična cijena po KM/km'	Ukupno cijena	PDV
	73,75			UKUPNO CIJENA LOT-a "4" sa PDV -om

TEHNIČKA SPECIFIKACIJA NEKATEGORISANI PUTEVA PO MJESNIM ZAJEDNICAMA ZA ZIMSKO ODRŽAVANJE U ZIMSKOM PERIODU od 2025. - 2028. GODINE				
Redni broj	Dionica nekategorisanog puta	Dužina km		Ukupna dužina km
		asfalt	makadam	
MZ ZELINJA DONJA				
1.	Zelinja Donja-Ramići	2,00	-	2,00
2.	Zelinja Donja-Dedići	2,00	-	2,00
3.	Zelinja Donja-Poljane	1,00	-	1,00
4.	Zelinja D.(Taletovići)-Hrvatovići	0,50	-	0,50
5.	Zelinja Donja (Ćorići)- Lipica	0,80	0,80	1,60
6.	Zelinja D.-Lipica- Rajska	0,00	3,00	3,00
7.	Zelinja D.- Hrvatovići do mezarja	0,00	0,70	0,70
8.	Zelinja D. - Hrvatovići do mekteba	0,00	0,30	0,30
UKUPNO:		6,30	4,80	11,10
MZ ZELINJA SREDNJA				
1.	Zelinja S.- Subašići	1,00	0,00	1,00
2.	Zelinja S.-Samar	1,20	-	1,20
3.	Zelinja S.- Kamenjani	2,00	-	2,00
4.	Zelinja S.- Karahmeti	0,60	-	0,60
5.	Habibovići- Ćerimovići	1,40	0,00	1,40
UKUPNO:		6,20	0,00	6,20
MZ MEĐIDA DONJA				
1.	Međida D.-Šišići	0,20	0,30	0,50
2.	Međida D.- Buk	1,00	-	1,00
3.	Međida D.-Brdo-Mezarje	1,00	0,00	1,00
UKUPNO:		2,20	0,30	2,50

MZ MEĐIDA SREDNJA				
1.	Medida S.- Imširovići	1,00	-	1,00
2.	Medida S.- Prokop	0,80	-	0,80
UKUPNO:		1,80		1,80
MZ SRNICE DONJE				
1.	Srnice Donje(Crkva)- Spomenik	0,00	1,40	1,40
2.	Srnice Donje-Bjelovići(groblje)	0,00	1,00	1,00
3.	Srnice Donje(farma)-Gušte	0,00	1,00	1,00
4.	Srnice Donje(Tinja)-Prnjavor	0,00	1,00	1,00
UKUPNO:			4,40	4,40
MZ HRGOVI DONJI				
1.	Hrgovi Donji, put prema Josipovićima	0,50	0,00	0,50
2.	Hrgovi Donji, Gornja Mahala	1,50	0,00	1,50
UKUPNO:		2,00	0,00	2,00
MZ SIBOVAC				
1.	Sibovac, R 463-Omeragići D.-Slatina	1,00	0,00	1,00
2.	Sibovac, Kadići	0,00	0,50	0,50
3.	Sibovac, Ibreljići	0,50	0,00	0,50
4.	Sibovac, Topčagići	0,00	0,50	0,50
5.	Sibovac, Omeragići	0,00	0,50	0,50
6.	Sokak Huseinagići	0,00	0,30	0,30
7.	sokak Velagići	0,00	0,10	0,10
8.	sokak Meškići	0,00	0,30	0,30
9.	sokak Hasukići	0,00	0,20	0,20
10.	sokak Kondžići	0,00	0,15	0,15
UKUPNO:		1,50	2,55	4,05

MZ VUČKOVCİ				
1.	Vučkovci C.-Gornja Mahala (Mandžurija)	1,40	0,00	1,40
2.	Vučkovci, Hunkin Hrast-Hukići	1,00	0,00	1,00
3.	Vučkovci, Batunji-Šate	0,60	0,50	1,10
4.	Vučkovci, Delibašići	0,50	0,00	0,50
5.	Vučkovci, put Turbići -Farma	0,20	0,00	0,20
6.	Vučkovci, put Bjelići	0,30	0,00	0,30
7.	Vučkovci, put Zekino Brdo	0,50	0,00	0,50
8.	Vučkovci, put Delići	0,50	0,00	0,50
9.	Vučkovci, put Crveno Brdo	0,50	0,00	0,50
10.	Vučkovci, put Đonlići	0,70	0,00	0,70
11.	Vučkovci, ulica Haremska	0,30	0,00	0,30
12.	Vučkovci, Tušinjovače	0,50	0,00	0,50
13.	Vučkovci- Mionica III	0,00	3,00	3,00
UKUPNO:		7,00	3,50	10,50
MZ JELOVČE SELO				
1.	J.Selo, put Golaći-R 465-a	0,50	0,00	0,50
2.	J.Selo, put za Kavazoviće	0,30	0,00	0,30
3.	J.Selo, put za Čande	0,50	0,00	0,50
4.	J.Selo, put za Džombiće	0,30	0,00	0,30
5.	J.Selo, put prema rezervoaru za vodu	0,50	0,00	0,50
UKUPNO :		2,10	0,00	2,10
ZBIRNA REKAPITULACIJA (km)			42,55	

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
 - Gradsko vijeće -

Broj: 01 - 04-313/25
 Datum: 17.07.2025. godine
 G r a d a č a c

ZAMJENIK PREDSEDAVAJUĆEG
GRADSKOG VIJEĆA
Selma Sejdić,s.r.

3.

Na osnovu člana 8. stava 3. alineje 9 i člana 13. stava 2. alineje 5. Zakona o principima lokalne samouprave u Federaciji BiH („Službeni glasnik F BiH“, broj: 49/06 i 51/09), člana 3. stava 1. Zakona o vodama („Službene novine F BiH“, broj: 70/06), člana 25. Zakona o vodama Tuzlanskog kantona („Službene novine TK“, broj: 11/08 i 12/20) i člana 21. tačke 7. Statuta Grada Gradačac („Službeni glasnik Grada Gradačac“, broj: 10/22) Gradsko vijeće Grada Gradačac na 8. redovnoj sjednici održanoj 17.07.2025.godine, donosi

ODLUKU
o davanju saglasnosti na isporuku viška pitke
vode Gradu Srebrenik

Član 1.

Daje se saglasnost J.P. „Komunalac“ d.d. Gradačac da sa J.P. VODOVOD I KANALIZACIJA „Srebrenik“ d.d. Srebrenik uspostavi saradnju u oblasti vodosnabdijevanja Grada Srebrenik viškom pitke vode na period do tri godine.

Član 2.

Saradnja iz prethodnog člana, uspostaviti će se zaključivanjem ugovora o vodosnabdijevanju viškom pitke vode između J.P. „Komunalac d.d. Gradačac i J.P. VODOVOD I KANALIZACIJA „Srebrenik“ d.d. Srebrenik u skladu sa važećim cjenovnikom J.P. „KOMUNALAC“ d.d. Gradačac.

Član 3.

Daje se saglasnost Gradonačelniku da u ime Grada Gradačac sa Gradom Srebrenik zaključi ugovor kojim će se definisati uslovi izgradnje nedostajućeg dijela vodovodne mreže na području Gradačca.

Član 4.

Ova Odluka stupa na snagu osmog dana od dana objavljivanja u „Službenom glasniku Grada Gradačac“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
-Gradsko vijeće-

Broj:01-04-314/25 ZAMJENIK PREDSJEDAVAJUĆEG
Datum:17.07.2025.god. GRADSKOG VIJEĆA
G r a d a č a c Selma Sejdić, s.r.

4.

Na osnovu člana 13. stav. 2. tačka 5. i člana 35. stav 3. Zakona o principima lokalne samouprave u FBiH („Službene novine FBiH“, broj 49/06 i 51/09), i člana 21. stav 1. tačka 7. Statuta Grada Gradačac („Službeni glasnik Grada Gradačac“, broj 10/22) na prijedlog Gradonačelnika, razmatrajući Odluku o davanju saglasnosti za potpisivanje aneksa na ugovor o zakupu OPU-IP-375/2021 od 25.03.2021. godine, Gradsko vijeće Grada Gradačac na 8. redovnoj sjednici održanoj 17.07.2025. godine donosi

ODLUKU
o davanju saglasnosti za potpisivanje aneksa na
ugovor o zakupu
OPU-IP-375/2021 od 25.03.2021. godine

Član 1.

Ovom odlukom daje se saglasnost Gradonačelniku Grada Gradačac da potpiše aneks ugovora o zakupu kruga Gradine, objekta Lovac, sa parking prostorom ispred Gradine, notarski obrađenim od strane Kemala Avdića, notara iz Srebrenika, OPU-IP-375/2021, kojim se zakupac Baković Belmin vl. UR Restoran „Čardak“ obavezuje platiti postojeći iznos duga od 13.794,30 KM u ratama do 31.12.2025. godine.

Član 2.

Sve troškove notarski obrađenog aneksa ugovora o zakupu snosi zakupoprimalac.

Član 3.

Ova odluka stupa na snagu osmog dana od dana objavljivanja u „Službenom glasniku Grada Gradačac“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -

Broj:01-04-315/25 ZAMJENIK PREDSJEDAVAJUĆEG
Datum:17.07.2025.god. GRADSKOG VIJEĆA
G r a d a č a c Selma Sejdić, s.r.

5.

Na osnovu člana 4. Zakona o vraćanju, dodjeli i prodaji stanova („Službene novine FBiH“, broj 28/05, 2/08 i 49/08), člana 13. stav 2. alineja 5 Zakona o principima lokalne samouprave FBiH („Službene novine FBiH“, broj 49/06 i 51/09) i člana 21. stav 1. alineja 7 Statuta Grada Gradačac („Službeni glasnik Grada Gradačac“, broj 10/22), na prijedlog Gradonačelnika, razmatrajući Odluku o upisu prava vlasništva na etažnim jedinicama-stanovima u korist Grada Gradačac, Gradsko vijeće Grada Gradačac na 8. redovnoj sjednici održanoj 17.07.2025. godine, donosi

ODLUKU

o upisu prava vlasništva na etažnim jedinicama-stanovima u korist Grada Gradačac

Član 1.

Ovom Odlukom utvrđuje se pravo vlasništva u korist Grada Gradačac na sljedećim etažnim jedinicama:

- k.č. broj 2040/3-E24 k.o. Gradačac I, stan broj 24 na 3. spratu u površini od 78,1 m² sa suvlasničkim dijelom 78/1866 na zajedničkom dijelu nekretnine označene kao k.č. 2040/3 (KS-57);
- k.č. broj 2040/3-E14 k.o. Gradačac I, stan broj 14 u prizemlju u površini od 63,61 m² sa suvlasničkim dijelom 64/1866 na zajedničkom dijelu nekretnine označene kao k.č. broj 2040/3 (KS-57);
- k.č. broj 1608/3-E28 k.o. Gradačac I, stan broj 28 na 4 spratu u površini od 62,2 m² sa suvlasničkim dijelom 62/2025 na zajedničkom dijelu nekretnine označene kao k.č. broj 1608/3 (KS-55);
- k.č. broj 1411/5-E21 k.o. Gradačac II, stan broj 21 u prizemlju u površini od 43,18 m² sa suvlasničkim dijelom 43/1229 na zajedničkom dijelu nekretnine označene kao k.č. broj 1411/5 (KS-1)

Član 2.

Etažna jedinica iz člana 1. alineja 4 ove Odluke je pripadala preduzeću TMD koje je privatizovano, te shodno Zakonu o vraćanju, dodjeli i prodaji stanova („Službene novine FBiH“, broj 28/05, 2/08 i 49/08) istim raspolaže Grad Gradačac.

Etažne jedinice iz člana 1. alineja 1, 2 i 3 ove Odluke su stanovi kojima je nekada raspolagala Skupština Opštine- Fond solidarnosti i istima sada

raspolaže Grad Gradačac.

Član 3.

Na osnovu ove odluke zemljišnoknjižni ured Općinskog suda u Gradačcu će na etažnim jedinicama opisanim u članu 1., izvršiti upis prava vlasništva u B listu el.zk.ul. 5034, 5023, 4993 k.o. Gradačac I i u B listu el.zk.ul.3795 k.o. Gradačac II, u korist Grada Gradačac sa dijelom 1/1.

Član 4.

Ova Odluka stupa na snagu osmog dana od dana objavljivanja u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
-Gradsko vijeće-**

Broj:01-04-316/25 ZAMJENIK PREDSJEDAVAJUĆEG
Datum:17.07.2025.god. GRADSKOG VIJEĆA
G r a d a č a c Selma Sejdić, s.r.

6.

Na osnovu člana 14. stav 4. Zakona o eksproprijaciji („Službene novine FBiH“, broj 70/07, 36/10, 25/12, 8/15 i 34/16) i člana 21. stav 1. tačka 26. Statuta Grada Gradačac („Službeni glasnik Grada Gradačac“, broj 10/22), na prijedlog Gradonačelnika, razmatrajući Odluku o utvrđivanju javnog interesa za rekonstrukciju, rehabilitaciju i sanaciju regionalne ceste R-460 „Vučkovci-Hrgovi Donji, Gradsko vijeće Grada Gradačac na 8. redovnoj sjednici održanoj 17.07.2025. godine donosi

ODLUKU

o utvrđivanju javnog interesa za rekonstrukciju, rehabilitaciju i sanaciju regionalne ceste R-460 „Vučkovci- Hrgovi Donji“

1. UTVRĐUJE SE DA JE OD JAVNOG INTERESA rekonstrukcija, rehabilitacija i sanacija regionalne ceste R 460 „Vučkovci-Hrgovi Donji“ od raskrsnice sa magistralnim putem M-1.9 „Ormanica-Gradačac-Slatina“ u Vučkovcima od st.km.0+000 prema Hrgovima Donjim do st.km.1+000 u dužini od cca L=1.000,00 m, na nekretninama prikazanim u tabeli:

<i>Rd. br.</i>	<i>Broj parcele</i>	<i>Katastarska općina</i>	<i>Površina parcele koja se ekspropriše</i>	<i>Katastarski posjednici</i>	<i>Zemljišnoknjižni vlasnici</i>
1.	3301	Vučkovci	97,53 m ²	Hukić (Ahmet) Ramo	Hukić (Ahmet) Ramo
2.	3290	Vučkovci	110,62 m ²	Turbić (Nurija) Adem	Turbić (Nurija) Adem
3.	3289/2	Vučkovci	11,14 m ²	Mehić (Šabo) Ibrima	Mehić (Šabo) Ibrima
4.	3289/3	Vučkovci	66,18 m ²	Bećirović (Mehmed) Fahrudin	Bećirović (Mehmed) Fahrudin
5.	3272/4	Vučkovci	80,49 m ²	Turbić (Jusuf) Kemal	Turbić (Jusuf) Kemal
6.	3269	Vučkovci	76,18 m ²	Avdaković r. Turbić (Muharem) Bahrija Kriste r. Turbić (Muharem) Faketa	Avdaković r. Turbić (Muharem) Bahrija Kriste r. Turbić (Muharem) Faketa
7.	1772	Vučkovci	39,56 m ²	Turbić (Muharem) Rifet	Turbić (Muharem) Rifet

- Utvrđuje se da je JU Direkcija regionalnih cesta TK korisnik potpune eksproprijacije za rekonstrukciju, rehabilitaciju i sanaciju regionalne ceste R 460 „Vučkovci- Hrgovi Donji“ na zemljištu iz tačke 1. ove odluke.
- Naknade za ekspropriisane nekretnine, kao i troškove postupka eksproprijacije, snosi korisnik eksproprijacije.
- Protiv ove Odluke se može pokrenuti upravni spor podnošenjem tužbe kod Kantonalnog suda u Tuzli, u roku od 30 dana od dana dostavljanja odluke. Tužba se podnosi neposredno sudu.
- Ova odluka će se objaviti u Službenom glasniku Grada Gradačac.

O b r a z l o ž e n j e

Gradskoj službi za imovinsko-pravne i geodetske poslove Grada Gradačac obratila se JU Direkcija regionalnih cesta TK, prijedlogom za utvrđivanje javnog interesa za rekonstrukciju, rehabilitaciju i sanaciju regionalne ceste R 460 „Vučkovci - Hrgovi Donji“ od raskrsnice sa magistralnom cestom M 1.9. „Ormanica – Gradačac-Slatina“ u Vučkovcima od st.km. 0+000 prema Hrgovima Donjim do st.km.1+000 u dužini 1000 m, navodeći da je za realizaciju projekta potrebno proširiti dionicu ceste na zemljištu naznačenom u tački 1. ove odluke.

U zahtjevu se dalje navodi da je postojeća saobraćajnica promjenjive širine kolovozne konstrukcije koja ne dozvoljava uslove za kategoriju regionalne ceste. Od raskrsnice od stacionaže km. 0+000 do stacionaže km 0+200 postoji asfaltni kolovoz (samo BNS sloj debljine 700 cm i širine 5,00 m kao i bankine širine 0,50 m u dužini cca L=200,00

m. Postojeći asfaltni kolovoz je rađen prije 25-30 godina i stanje istog je na kraju eksploatacionog vijeka što uzrokuje pojavu denivelacija i pukotina, dok je u nastavku trasa širine cca 3-4 m sa makadamskim kolovozom. Predmetna trasa u pogledu zaštite od atmosferskih voda je ugrožena iz razloga nepostojanja kanala ili su većim dijelom zatrpani. Na većem dijelu trase ne postoje propusti koji bi odvodili atmosferske vode u recipijent. Na makadamskom dijelu dionice, odnosno na stacionaži km.0+600, evidentirano je klizište.

Uz zahtjev je priložen geodetski elaborat eksproprijacije, posjedovni listovi, kopije katastarskih planova, kao i zemljišnoknjižni izvadci nekretnina koje će biti obuhvaćene projektom.

Shodno odredbama Zakona o eksproprijaciji („Službene novine FBiH“, broj 70/07, 36/10, 25/12, 8/15 i 34/16) nekretnina se može ekspropriisati kada je to potrebno za izgradnju saobraćajne infrastrukture, poslovnih i industrijskih zona, privrednih, komunalnih, zdravstvenih, prosvjetnih i objekata kulture, objekata odbrane, uprave i drugih objekata od javnog interesa kada se ocijeni da će se korištenjem nekretnine za koju se namjerava predložiti eksproprijacija u novoj namjeni postići veća korist od one koja se postizala korištenjem te nekretnine na dosadašnji način.

Nekretnina se može ekspropriisati nakon što je, na način određen zakonom, utvrđen javni interes za izgradnju objekta, odnosno izvođenje dugih radova na toj nekretnini.

Eksproprijacija se može vršiti za potrebe Federacije BiH, kantona, grada, općine, javnih preduzeća, njihovih zavisnih društava u njihovom 100 % vlasništvu i javnih ustanova, ako zakonom nije drukčije određeno, čime isti dobijaju status korisnika eksproprijacije.

Eksproprijacijom nekretnine korisnik eksproprijacije stiče pravo da tu nekretninu koristi u svrhu radi koje je eksproprijacija izvršena.

Za eksproprisanu nekretninu vlasniku pripada naknada u drugoj nekretnini, a ako korisnik eksproprijacije ne može osigurati takvu nekretninu, naknada se određuje u novcu, u visini tržišne vrijednosti nekretnine koja se ekspropriše. Naknadu za eksproprisanu nekretninu snosi korisnik eksproprijacije.

Članom 14. stav 4. Zakona o eksproprijaciji Federacije BiH („Službene novine FBiH“, broj 70/07, 36/10, 25/12, 8/15 i 34/16) propisano je: „Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.“

Članom 16. stav 1. propisano je „Prijedlog za utvrđivanje javnog interesa za eksproprijaciju podnosi lice koje prema odredbama ovog Zakona može biti korisnik eksproprijacije.“

Članom 21. stav 1. tačka 26. Statuta Grada Gradačac („Službeni glasnik Grada Gradačac“, broj 10/22) određeno je da Gradsko vijeće u okviru svoje nadležnosti donosi pojedinačne i druge akte iz samoupravnog djelokruga u skladu sa zakonom i Statutom.

Uzimajući u obzir sve navedeno, predlaže se Gradskom vijeću Gradačac da predloženu odluku usvoji u prezentiranom tekstu.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -

Broj:01-04-317/25 ZAMJENIK PREDSEDAVAJUĆEG
Datum:17.07.2025.god. GRADSKOG VIJEĆA
G r a d a č a c *Selma Sejdić, s.r.*

7.

Na osnovu člana 363. stav 1. Zakona o stvarnim pravima („Sl.novine FBiH“, broj 66/13, 100/13 i 32/19), člana 3. Pravilnika o postupku javnog konkursa za raspolaganje nekretninama u vlasništvu FBiH, kantona, općina i gradova („Službene novine FBiH“, broj: 17/14), člana 13. stav 2. tačka 5. Zakona o principima lokalne samouprave u

F BiH („Službene novine FBiH“, broj 49/06 i 51/09), i člana 21. stav 1. tačka 7. Statuta Grada Gradačac („Službeni glasnik Grada Gradačac“, broj 10/22), Gradsko vijeće Grada Gradačac na prijedlog Gradonačelnika na 8. redovnoj sjednici održanoj dana 17.07.2025. godine donosi

O D L U K U
o prodaji nekretnina

Član 1.

Grad Gradačac putem licitacije prodaje nekretnine označene kao:

- a) k.č. broj 1538/6 „Zurkuša“ oranica/njiva 4. klase 388 m², oranica/njiva 5. klase 94 m², upisana u p.l.-u broj 286 i el.zk.ul. 3886 k.o. Gradačac II, kao posjed i vlasništvo Grada Gradačac sa dijelom 1/1; Početna prodajna cijena nekretnine, utvrđena od strane stalnog sudskog vještaka građevinske struke, iznosi 14.460,00 KM (30,00 KM/m²). Shodno izvodu iz prostornog plana općine Gradačac za period 2008-2028 godina, predmetna parcela se nalazi u zoni individualnog stanovanja, sa aspekta klizišta i stabilnosti terena, utvrđeno je da je na krajnjem jugozapadnom dijelu parcele evidentiran nestabilan teren i to TIP 1-aktivna i reaktivirana klizišta.
- b) k.č. broj 1537/2 „Zurkuša“ oranica/njiva 6. klase 472 m², upisana u p.l.-u broj 286 i el.zk.ul. 732 k.o. Gradačac II, kao posjed i vlasništvo Grada Gradačac sa dijelom 1/1; Početna prodajna cijena nekretnine, utvrđena od strane stalnog sudskog vještaka građevinske struke, iznosi 8.496,00 KM (18,00 KM/m²). Shodno izvodu iz prostornog plana općine Gradačac za period 2008-2028 godina, predmetna parcela je namjenom površine određena kao građevinsko zemljište pretežne namjene stanovanja-planirano, te kao šume i šumsko zemljište, te je također na istoj većim dijelom evidentiran nestabilan teren i to TIP 1-aktivna i reaktivirana klizišta.
- c) k.č. broj 1608/4 „Šakićka“ oranica/njiva 4. klase 1751 m², upisana u p.l.-u broj 350 i el.zk.ul. 4209 k.o. Gradačac I, kao posjed i vlasništvo Grada Gradačac sa dijelom 1/1; Početna prodajna cijena nekretnine, utvrđena od strane stalnog sudskog vještaka građevinske struke, iznosi 253.895,00 KM (145,00 KM/m²). Shodno izvodu iz regulacionog plana „Centar“ Gradačac, na parceli je planirana izgradnja kolektivnih objekata sa sadržajima centra.

- d) k.č. broj 1608/5 „Šakićka“ oranica/njiva 4. klase 1327 m², upisana u p.l.-u broj 350 i el.zk.ul. 4209 k.o. Gradačac I, kao posjed i vlasništvo Grada Gradačac sa dijelom 1/1 Početna prodajna cijena nekretnine, utvrđena od strane stalnog sudskog vještaka građevinske struke, iznosi 192.415,00 KM (145,00 KM/m²). Shodno izvodu iz regulacionog plana „Centar“ Gradačac, na parceli je planirana izgradnja kolektivnih objekata sa sadržajima centra.
- Na parceli je u zemljišnoknjižnom uredu u toku provođenje Ugovora o prenosu prava vlasništva nad izgrađenim SN 10(20) kV podzemnim vodom i zasnivanju prava služnosti, OPU-IP-74/2025, kojim se vrši prenos prava vlasništva nad novoizgrađenim SN 10(20) kV podzemnim vodom na parcelama u vlasništvu Grada Gradačac označenim kao k.č. broj 1608/1, 1608/2, 1608/5, 1608/6 i 1608/7 k.o. Gradačac I, u dužini od cca 158 m i osnivanje prava stvarne služnosti podzemnog električnog voda, bez naknade, na navedenom zemljištu, na način opisan u Odluci Gradskog vijeća Gradačac, broj: 01-04-28/25 od 30.01.2025. godine, a u korist JP Elektroprivreda BiH d.d. Sarejevo, Podružnica Elektrodistribucija Tuzla.

- e) k.č.broj 771/9 „Požarike“ prilazni put površine 245 m², upisana u p.l.-broj 350 i u el. zk.ul. 6068 k.o. Gradačac I, kao posjed i vlasništvo Grada Gradačac sa dijelom 1/1. Početna prodajna cijena nekretnine, utvrđena od strane stalnog sudskog vještaka građevinske struke, iznosi 8.330,00 KM (34,00 KM/m²). Shodno Prostornom planu Općine Gradačac za period 2008-2028.godina predmetna parcela je prema namjeni površina ustanovljena kao građevinsko zemljište pretežne namjene stanovanja-planirano.

Član 2.

Prodaja nekretnina iz člana 1. odluke objaviti će se putem javnog konkursa koji će biti objavljen u sredstvima javnog informisanja, u skladu sa odredbama Zakona o stvarnim pravima FBiH („Sl.novine FBiH“, broj 66/13, 100/13 i 32/19) i Pravilnika o postupku javnog konkursa za raspolaganje nekretninama u vlasništvu FBiH, kantona, općina i gradova (“Službene novine FBiH”, broj: 17/14).

Postupak prodaje predmetnih nekretnina provodi komisija za prodaju nekretnina, formirana od strane Gradonačelnika.

Licitacija se može održati samo ako u njoj učestvuju najmanje dva učesnika.

Ako se na licitaciju javi samo jedan učesnik, Komisija će licitaciju proglasiti bezuspješnom.

Ukoliko ne uspije prva licitacija, ista će se ponoviti.

U slučaju ponovne bezuspješne licitacije tj. ako se pojavi samo jedan ponuđač, Komisija može pristupiti prodaji nekretnine neposrednom pogodbom, pod uslovom da ponuđena cijena ne može biti niža od početne cijene, objavljene u oglasu.

Član 3.

Sa učesnikom licitacije čija ponuda od strane Komisije bude utvrđena kao najpovoljnija, zaključit će se kupoprodajni ugovor, po prethodno pribavljenom mišljenju Gradskog pravobranilaštva.

Ugovorne strane su dužne pristupiti potpisivanju ugovora o prodaji najkasnije u roku od 40 dana od dana održane licitacije.

Troškove notarske obrade ugovora i provođenja u katastarskoj i zemljišnoknjižnoj evidenciji, kao i sve ostale troškove koji mogu proizaći oko realizacije istog snosi kupac.

Ovlašćuje se Gradonačelnik da potpiše kupoprodajni ugovor sa učesnikom licitacije čija ponuda bude utvrđena kao najpovoljnija.

Kupac je dužan kupoprodajnu cijenu nekretnina utvrđenu nakon okončanog postupka licitacije, a umanjenu za uplaćeni iznos kapare radi učešća u postupku licitacije, isplatiti prodavcu tj. Gradu Gradačac najkasnije u roku od 30 dana od dana zaključivanja ugovora.

U slučaju nepoštivanja odredbi iz prethodnog stava ovog člana, ugovor će se smatrati raskinutim, a kupac gubi pravo na povrat uplaćene kapare.

Kao pravni osnov za prijenos prava vlasništva na predmetnim nekretninama u korist kupca u javnim evidencijama za nekretnine određuje se Ugovor o prodaji i potvrda nadležne gradske službe za finansije, kao dokaz da je kupac u cijelosti izmirio kupoprodajnu cijenu.

Kupac će tek po potpunoj isplati kupoprodajne cijene moći stupiti u posjed kupljene nekretnine.

Neuspjelim učesnicima licitacije, izvršit će se povrat uplaćene kapare, najkasnije u roku od 5 (pet) dana od dana održane licitacije.

Član 4.

Ova odluka stupa na snagu osmog dana od dana objavljivanja u Službenom glasniku Grada Gradačac.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj:01-04-318/25 ZAMJENIK PREDSJEDAVALAČEG
Datum:17.07.2025.god. GRADSKOG VIJEĆA
G r a d a č a c *Selma Sejdić, s.r.*

8.

Na osnovu člana 6. i 7. Zakona o ministarskim, vladinim i drugim imenovanjima Federacije Bosne i Hercegovine (Službene novine FBiH br. 12/03, 34/03 i 65/13), člana 38. stav 3, a u vezi sa odredbom člana 22. stav 1. i člana 40. Zakona o pravobranilaštvu (Službene novine TK br. 4/04, 5/08, 2/14, 4/18), člana 21. stav 1. tačka 18. Statuta Grada Gradačac (Službeni glasnik Grada Gradačac br. 10/22) i člana 6. Odluke o osnivanju Gradskog pravobranilaštva Gradačac (Službeni glasnik općine Gradačac br. 8/04, 2/09, 1/15, 8/16 i Službeni glasnik Grada Gradačac br 3/23), Gradsko vijeće Grada Gradačac na 8. redovnoj sjednici održanoj dana 17.07.2025. godine, donosi

ODLUKU

o utvrđivanju standarda i kriterija za imenovanje pravobranioca i zamjenika pravobranioca Gradskog pravobranilaštva Gradačac

Član 1. (Predmet)

Ovom odlukom utvrđuju se standardi i kriteriji za imenovanje pravobranioca i zamjenika pravobranioca Gradskog pravobranilaštva Gradačac.

Član 2. (Osnovni principi)

Prilikom imenovanja pravobranioca i zamjenika pravobranioca Gradskog pravobranilaštva Gradačac, osigurati će se poštivanje i primjena sljedećih principa:

- a) ZAKONITOST: Gradsko vijeće u funkciji odgovornog javnog službenika, osigurati će da se imenovanja obave na zakonit način i u skladu sa važećim pravilima, propisima i zakonima.
- b) KVALITETA: Sva imenovanja se vrše na osnovu kvalitete, putem dobro informisanog izbora osoba koje po svojim sposobnostima, iskustvu i kvalitetama odgovaraju poziciji u reguliranom organu.
- c) OTVORENOST I TRANSPARENTNOST: Princip javnosti upravljanja primjenjuje se na proces imenovanja. Funkcionisanje procesa mora biti transparentno, osim ako informacija nije povjerljiva, kako je definisano Zakonom o zaštiti ličnih podataka.
- d) Z A S T U P L J E N O S T P R I Z A P O Š L J A V A N J U: Gradsko vijeće nastojati će da osigura da se kod imenovanja

na javnu poziciju po pravilu odražava sastav naroda i građana BiH.

Član 3. (Opšti uslovi)

Kandidati za pravobranioca i zamjenika pravobranioca moraju ispunjavati sljedeće opšte uslove:

- a) da su državljani BiH;
- b) da su stariji od 18. godina, ali ne stariji od 65. godina;
- c) da su zdravstveno sposobni za obavljanje poslova pravobranilačke funkcije;
- d) da nisu otpušteni iz državne službe kao rezultat disciplinske mjere, na bilo kojem nivou vlasti u BiH u periodu od tri godine, prije objave upražnjene pozicije;
- e) da nisu obuhvaćeni članom IX. 1. Ustava Bosne i Hercegovine;
- f) da nisu članovi političke partije/stranke i da ne obavljaju poslove u organima partije/stranke, političkim udruženjima ili fondacijama koje su povezane sa političkim strankama/partijama i da nisu uključeni u bilo kakvu političku ili stranačku aktivnost;
- g) da nisu osuđivani za krivična djela koja predstavljaju smetnju za imenovanje na upražnjenu poziciju, odnosno da im pravosnažnom presudom suda nisu izrečene pravne posljedice osude, koje se odnose na prestanak ili gubitak određenih prava ili je u zabrani sticanja određenih prava u odnosu na upražnjenu poziciju, kao i da nepostoje druge zakonske smetnje koje ga čine nedostojnim za obavljanje pravobranilačke funkcije u Gradskom pravobranilaštvu.

Član 4. (Posebni uslovi)

Pored navedenih opštih uslova pravobranilac i zamjenik pravobranioca moraju ispunjavati i sledeće posebne uslove:

- a) da posjeduju visoku stručnu spremu – završen pravni fakultet, VII. stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, koji se vrednuje sa najmanje 240 ECTS – pravne struke, akreditovanog pravnog fakulteta;
- b) položen pravosudni ispit;
- c) radno iskustvo na poslovima zastupanja pred sudom, odnosno imovinsko-pravnim poslovima u trajanju od najmanje tri godine nakon položenog pravosudnog ispita, koji je radeći na tim poslovima stekao visok ugled pravnog stručnjaka;
- d) da posjeduje najviše moralne osobine za obavljanje službe pravobranioca.

Član 5.
(Poželjni uslovi)

Za sve kandidate koji u potpunosti ispunjavaju opšte i posebne uslove iz člana 3. i 4. ove Odluke, u postupku utvrđivanja rang liste najboljih kandidata s ciljem konačnog izbora, uzeti će se u obzir i sledeći kriteriji:

- a) viši stepen obrazovanja (završen postdiplomski studiji, odnosno drugi ili treći ciklusa Bolonjskog sistema studiranja) u stručnom/naučnom zvanju master, magistar ili doktor nauka;
- b) stručno usavršavanje tokom karijere;
- c) dugogodišnje iskustvo u radu na imovinsko-pravnim poslovima u pravobranilaštvu, pravosudnim organima, drugim državnim organima ili pravnim licima;
- d) radno iskustvo u više pravnih oblastih;
- e) stručno znanje iz opisa poslova upražnjenje pozicije;
- f) objavljeni stručni ili naučni radovi iz oblasti pravne struke;
- g) komunikacijske i organizacijske sposobnosti;
- h) sposobnost savjesnog i nepristrasnog donošenja odluka;
- i) sposobnost upravljanja finansijskim i ljudskim resursima;
- j) rezultati rada tokom karijere relevantni za obavljanje poslova upražnjenje pozicije;
- k) predhodno rukovodno iskustvo na istim ili sličnim poslovima;
- l) motiviranost kandidata za obavljanje poslova pravobranilačke funkcije.

Kandidati koji dokažu postojanje nekog od poželjnih uslova pod tačkama a) i b) stava 1. ovog člana, prilikom sačinjavanja rang liste najboljih kandidata, bodovati će se sa po 5. bodova za svaki pojedinačni poželjni uslov koji ispunjavaju.

Kriteriji pod tačkom c) stava 1. ovog člana ocijeniti će se na sljedeći način:

- iskustvo od 3. do 10. godina – 1. (jedan) bod;
- iskustvo od 10. do 20. godina – 3. (tri) boda;
- iskustvo od 20. i više godina – 5. (pet) bodova;

Kriteriji pod tačkama od d) do l) stava 1. ovog člana ocijeniti će se dodjeljivanjem bodova u rasponu od 1. do 5.

Poželjne uslove kandidat mora dokazati pred komisijom, prilikom obavljanja intervjua, originalnim ili prema zakonu ovjerenim ispravama.

Ukupan broj bodova koji kandidat dobije nakon obavljenog intervjua, izračunati će se tako da se bodovi koje daju pojedini članovi Komisije zborije i

podijele sa brojem članova Komisije.

Član 6.
(Javni oglas)

Odluku o objavljivanju javnog oglasa za upražnjenu poziciju pravobranioca ili zamjenika pravobranioca Gradskog pravobranilaštva Gradačac, u skladu sa kriterijima ove odluke, donosi Gradsko vijeće Grada Gradačac.

Postupak oglašavanja i sprovođenja oglasa vrši Komisija za izbor, koju na prijedlog Gradonačelnika imenuje Gradsko vijeće.

Oglas iz stava 1. ovog člana objavljuje se u „ Službenim novinama Federacije BiH “, i najmanje jednom dnevnom listu velikog tiraža koji se distribuira na teritoriji cijele BiH, s ciljem da bude dostupan najširoj javnosti.

Javni oglas o upražnjenoj poziciji treba biti dovoljno detaljan, kako bi kandidatima dao cjelovitu informaciju o ulozi koju treba obavljati, uslovima službe, dužini trajanja imenovanja, mogućnosti ponovnog imenovanja, a naročito treba da sadrži:

- a) opis upražnjene pozicije uključujući i pojedinosti o ulozi potencijalnog kandidata i naknadama, dužini trajanja mandata i mogućnosti ponovnog imenovanja;
- b) opšte i posebne uslove koje kandidati trebaju ispunjavati u skladu sa Zakonom o ministarskim, vladinim i drugim imenovanjima FBiH i Zakonom o pravobranilaštvu;
- c) uslove i kriterije koje je poželjno ispunjavati, odnosno koji će se uzimati u obzir pri konačnom odabiru;
- d) spisak potrebne dokumentacije, način, mjesto i rok podnošenja prijave i druge upute za prijavu na oglas;

Rok za podnošenje prijave po objavljenom oglasu, ne može biti kraći od 14. dana, od dana posljednje objave oglasa o upražnjenoj poziciji u traženim novinama.

Član 7.
(Komisija)

Komisija za izbor sastoji se od 5. članova koju čine predsjednik i četiri člana iz reda uposlenih u Gradskom pravobranilaštvu Gradačac (pravobranilac, zamjenik pravobranioca ili državni službenik).

U slučaju da se u sastav komisije ne mogu imenovati osobe iz reda uposlenika Gradskog pravobranilaštva, isti će se nedostajućim članovima imenovati iz reda uposlenih u gradskim službama za upravu Grada Gradačac.

Prilikom imenovanja komisije vodiće se računa da su najmanje tri člana komisije po struci diplomirani pravnici, od kojih je poželjno da predsjednik komisije ima položen pravosudni ispit.

Komisija za izbor u okviru svojih nadležnosti:

- a) raspisuje oglas za upražnjenu poziciju;
- b) vrši otvaranje i pregled prijava kandidata;
- c) sastavlja listu kandidata koji ispunjavaju opšte i posebne uslove za upražnjenu poziciju i poziva ih na intervju;
- d) dostavlja potrebne obrazce kandidatima koji će biti pozvani na intervju;
- e) provodi intervju sa svim kandidatima koji su ušli u uži izbor;
- f) predlaže Gradskom vijeću rang listu najboljih kandidata na daljnje razmatranje;
- g) vrši i druge poslove koji proizilaze iz zakona i ove Odluke.

Član 8. **(Rad komisije)**

U vezi sa oglašenom pozicijom za izbor pravobranioca ili zamjenika pravobranioca, Komisija za izbor pregledat će sve prijave koje pristignu u propisanom roku.

Na osnovu ove Odluke i principa iz člana 3. Zakona o ministarskim, vladinim i drugim imenovanjima FBiH, Komisija će sastaviti listu kandidata koji ispunjavaju kriterije za imenovanje i pozvati ih na intervju, osim onih kandidata čija je prijava ocijenjena kao neblagovremena, nepotpuna ili kandidata koji neispunjavaju opšte i posebne uslove za imenovanje.

Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Komisija za izbor zatražiti će od kandidata koji su pozvani na intervju, da daju podatke o odgovarajućem broju ranijih neposrednih rukovodilaca, od kojih mogu dobiti preporuke i informacije o kandidatima.

Tokom intervju, komisija za izbor će osigurati sljedeće:

- a) da su svi kandidati u potpunosti upoznati sa standardom ličnog integriteta koji se traže za osobe imenovane na javnu poziciju;
- b) da su pitanja o sukobu interesa objašnjena i razmotrena detaljno svim kandidatima;

- c) da su svi kandidati u potpunosti informirani o pravu javnosti i transparentnosti cjelokupnog procesa imenovanja, te da mogu uložiti prigovor protiv imenovanja koje se razmatra.

Sve odluke, uključujući i one koje sadrže odbijenice, moraju u potpunosti biti dokumentovane i moraju se čuvati kod odgovornog javnog službenika.

Nakon obavljenog intervju, svaki član Komisije može dati najviše 5. (pet) bodova po kandidatu za svaki pojedinačni uslov koji je predmet bodovanja, temeljem čega se na osnovu ukupnog broja bodova utvrđuje konačna rang lista najboljih kandidata, gdje se kandidat sa najviše ostvarenih bodova rangira kao prvi na rang listi i tako redom ostali kandidati.

Član 9. **(Rang lista najuspješnih kandidata)**

Nakon intervju i na osnovu u potpunosti dokumentovanih odluka svakog člana komisije, Komisija za izbor će putem pisane preporuke predložiti rang listu sa najboljim kandidatima.

Pisana preporuka iz stava 1. ovog člana sadrži sve relevantne informacije koje komisija ima o kandidatima i njene preporuke.

Smatra se da je kandidat koji je prvi na rang listi i kojeg je preporučila većina članova komisije, najuspješnije prošao otvorenu konkurenciju.

Član 10. **(Odluka o konačnom imenovanju)**

Prijedlog kandidata za imenovanje na poziciju pravobranioca ili zamjenika pravobranioca, Komisija za izbor dostavlja Gradskom vijeću, kao odgovornom javnom službeniku na razmatranje i odlučivanje.

Gradsko vijeće nakon razmatranja rang - liste, donosi odluku o konačnom imenovanju vodeći računa da se izvrši konačno imenovanje kandidata koji je prvi na rang listi sa ostvarenim najvećim brojem bodova.

Ukoliko se ne može izvršiti konačno imenovanje kandidata koji je prvi na rang listi, zbog toga što Gradsko vijeće iz opravdanih razloga s dokazima koji to potvrđuju, utvrdi da nisu ispoštovani principi i procedure utvrđene Zakonom o ministarskim, vladinim i drugim imenovanjima FBiH ili da bi imenovanje prvorangiranog kandidata s predložene liste dovelo do sukoba interesa, kandidati koji su rangirani kao sledeći na rang listi, biti će razmatrani za konačno imenovanje.

Član 11.
(Objavljivanje)

Konačno imenovanje pravobranioca ili zamjenika pravobranioca Gradskog pravobranilaštva Gradačac, od strane Stručne službe za poslove Gradskog vijeća objavljuje se u Službenom glasniku Grada Gradačac.

Član 12.
(Prigovor)

Na konačno imenovanje pravobranioca ili zamjenika pravobranioca Gradskog pravobranilaštva Gradačac, bilo koji od nezadovoljnih kandidata koji ima opravdan pravni interes ima pravo podnošenja prigovora na konačno imenovanje, ukoliko postoje opravdana sumnja na kršenje principa zakonitosti, kvalitete, otvorenosti i transparentnosti ili zastupljenosti pri upošljavanju.

Prigovor se podnosi Gradskom vijeću Grada Gradačac, a kopija se dostavlja Ombudsmenu za ljudska prava Bosne i Hercegovine.

Član 13.
(Završne odredbe)

Na sva ostala pitanja koja nisu obuhvaćena ovom Odlukom, primjenjivati će se odredbe Zakona o ministarskim, vladinim i drugim imenovanjima Federacije Bosne i Hercegovine, Zakona o pravobranilaštvu i Odluke o osnivanju Gradskog pravobranilaštva Gradačac.

Sastavni dio ove Odluke čine obrazac za ocjenu kandidata, obrazac za ocjenu intervjua, obrazac o mogućem sukobu interesa, obrazac za preporuke i obrazac za informiranje kandidata.

Član 14.
(Stupanje na snagu)

Ova odluka stupa na snagu osmog dana, od dana objavljivanja u „Službenom glasniku Grada Gradačac“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -

Broj:01-04-319/25 ZAMJENIK PREDSJEDAVAJUĆEG
Datum:17.07.2025.god. GRADSKOG VIJEĆA
G r a d a č a c Selma Sejdić, s.r.

OBRAZAC ZA OCJENU KANDIDATA

Ime i prezime:	Radno mjesto:
Organ/institucija:	Datum:

1) OCJENA POŽELJNIH USLOVA

Viši stepen obrazovanja	
Stručno usavršavanje tokom karijere	
Dugogodišnje iskustvo	

NAPOMENA: Ocjenu vršiti upisivanjem bodova iz člana 5. stav 2. i 3. *Odluke.*

2) OBRAZAC ZA OCJENU INTERVJUA

	Bodovi				
	1	2	3	4	5
Radno iskustvo u više pravnih oblasti					
Stručno znanje iz opisa poslova upražnjenje pozicije					
Objavljeni stručni ili naučni radovi iz oblasti pravne struke					
Komunikacijske i organizacijske sposobnosti					
Sposobnost savjesnog i nepristrasnog donošenja odluka					
Sposobnost upravljanja finansijskim i ljudskim resursima					
Rezultati rada tokom karijere relevantni za obavljanje poslova upražnjene pozicije					
Predhodno rukovodno iskustvo na istim ili sličnim poslovima					
Motiviranost kandidata za obavljanje poslova pravobranilačke funkcije.					

NAPOMENA: Ocjenu vršiti upisivanjem bodova iz člana 5. stav 4. *Odluke*. Ocjenjivanje se vrši upisivanjem „x“, u kvadratić ispod označenih brojeva bodova, za svaki od poželjnih uslova koji se ocjenjuje. Ukupan broj bodova koji kandidat dobije nakon obavljenog intervjua, izračunati će se tako da se bodovi koje daju pojedini članovi Komisije zborije i podijele sa brojem članova Komisije.

UKUPAN BROJ BODOVA (1+2) _____

Komentari:

Ključne prednosti kandidata	Primijećene slabosti kandidata

Potpis člana komisije _____

3) OBRAZAC O MOGUĆEM SUKOBU INTERESA

I Z J A V A

Ja, dole potpisani/a _____ (ime i prezime), sa ličnom kartom broj: _____, izdatom od strane _____, u svojstvu kandidata za upražnjeno mjesto gradskog pravobranioca/zamjenika gradskog pravobranioca, kao podnosilac prijave po javnom oglasu _____, pod punom materijalnom i krivičnom odgovornošću:

I Z J A V L J U J E M

Da sam upoznat/a sa zabranama koje se odnose na nositelje dužnosti gradskog pravobranioca, propisanim odredbom člana 38. Zakona o pravobranilaštvu (Službene novine TK br. 4/04, 5/08, 2/14, 4/18), te da nisam član niti obavljam poslove u organima bilo koje stranke, političkim udruženjima ili fondacijama koje su povezane sa strankom, niti sam uključen/a u bilo kakvu političku ili stranačku aktivnost.

Također izjavljujem da moj bračni drug, te srodnici po pravoj liniji i srodnici po pobočnoj liniji do drugog stepena ne obavljaju bilo kakvu službu u Gradskom pravobranilaštvu Gradačac

Gradačac, _____ 2025. godine.

Davalac izjave

4) OBRAZAC ZA PREPORUKE

Presjednik u ime Komisije za izbor poziva kandidata da prije intervjua da podatke o odgovarajućem broju ranijih neposrednih rukovodilaca od kojih mogu dobiti preporuke i informacije o kandidatima.

Potpis kandidata

5) OBRAZAC ZA INFORMIRANJE KANDIDATA

Presjednik u ime Komisije upoznaje kandidata sa standardima ličnog integriteta, koji se traže za kandidate koji su se prijavili na upražnjenu poziciju gradskog pravobranioca, da su kandidatu pitanja oko sukoba interesa detaljno objašnjena i razmotrena, te da je kandidat upotpunosti informisan da može uložiti prigovor na konačno imenovanje ukoliko za to bude imao pravni interes.

Potpis kandidata

9.

Na osnovu člana 6. stava 1. i člana 12. u vezi sa članom 2. stav (1) tačka 1.5. alineja (iii) Zakona o ministarskim, vladinim i drugim imenovanjima („Službene novine FBiH“, broj: 12/03, 34/03 i 65/13), člana 10. stav (3) Zakona o porezu na promet nepokretnosti i prava („Službene novine Tuzlanskog kantona“, br. 5/2021 - prečišćen tekst, 5/2023 i 5/2025), člana 21. tačka 17. i člana 32. stav (1) Statuta Grada Gradačac („Službeni glasnik Grada Gradačac“, broj: 10/22) i člana 3. Pravilnika Gradonačelnika Grada Gradačac o načinu rada, broju članova komisije i kriterijima za utvrđivanje vrijednosti nekretnina, br. 02-04-1324/25 od 21.04.2025.godine, na prijedlog Komisije za izbore i imenovanja, Gradsko vijeće Grada Gradačac na 8. redovnoj sjednici održanoj 17.07.2025. godine, donosi:

R J E Š E N J E**o imenovanju Komisije za utvrđivanje prometne vrijednosti nepokretnosti i prava****I**

U Komisiju za utvrđivanje prometne vrijednosti nepokretnosti i prava imenuju se:

1. Bilajac Haris, predsjednik Komisije,
2. Begović Adnan, član Komisije,
3. Mujkanović Senahid, član Komisije,
4. Novalić Amir, član Komisije,
5. Husić Senad, član Komisije,
6. Mešanović Emina, član Komisije,
7. Ibrahimović Edin, član Komisije,
8. Imširović Redžo, član Komisije,
9. Kavazović Admir, član Komisije,
10. Divljanović Almir, član Komisije.

II

Imenovanje Komisije iz prethodne tačke ovog rješenja vrši se na mandantni period od 2 (dvije) godine.

III

Zadatak komisije je utvrđivanje prometne vrijednosti nepokretnosti i prava u skladu sa Zakonom o porezu na promet nepokretnosti i prava („Službene novine Tuzlanskog kantona“, br. 5/2021 - prečišćen tekst, 5/2023 i 5/2025) i Pravilnikom Gradonačelnika Grada Gradačac o načinu rada, broju članova komisije i kriterijima za utvrđivanje vrijednosti nekretnina, br. 02-04-1324/25 od 21.04.2025.godine.

IV

Ovo rješenje stupa na snagu danom donošenja, a objavit će se u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj:01-04-320/25 ZAMJENIK PREDSJEDAVAJUĆEG
Datum:17.07.2025.god. GRADSKOG VIJEĆA
G r a d a č a c *Selma Sejdić, s.r.*

10.

Na osnovu člana 12 stav (3) Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13), člana 25. stav (2) Uredbe sa zakonskom snagom o ustanovama („Službeni list R BiH“, broj: 6/92, 8/93 i 13/94), člana 21. tačka 18. i 26. Statuta Grada Gradačac („Službeni glasnik Grada Gradačac“, broj: 10/22), člana 18. stav (3) Odluke o utvrđivanju standarda i kriterija za imenovanje/nominiranje na upražnjene pozicije u reguliranim organima Grada Gradačac („Službeni glasnik Grada Gradačac“, broj: 5/22) i člana 28. alineja 4. Poslovnika o radu Gradskog vijeća Gradačac („Službeni glasnik Grada Gradačac“, broj: 6/23), na prijedlog Komisije za izbore i imenovanja, Gradsko vijeće Grada Gradačac na 8. redovnoj sjednici održanoj 17.07.2025. godine, donosi:

R J E Š E N J E**o imenovanju člana Upravnog odbora Javne ustanove „Apoteka“ Gradačac ispred Ministarstva zdravstva Tk****I**

Imenuje se Sendić Emir iz Gradačca na dužnost člana Upravnog odbora Javne ustanove „Apoteka“ Gradačac ispred Ministarstva zdravstva Tuzlanskog kantona.

II

Imenovani iz tačke I. ovog rješenja imenuje se do isteka mandata ostalim članovima upravnog odbora imenovanim 03.04.2025.godine.

III

Ovo rješenje stupa na snagu danom donošenja, a objavit će se u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
-Gradsko vijeće**

Broj:01-04-321/25 ZAMJENIK PREDSEDAVAJUĆEG
Datum:17.07.2025.god. GRADSKOG VIJEĆA
G r a d a č a c *Selma Sejdić, s.r.*

11.

Na osnovu člana 13. Zakona o principima lokalne samouprave u Federaciji BiH (“Službene novine Federacije BiH” broj 49/06 i 51/09) i člana 21. stav 1. tačka 7. i 27. Statuta Grada Gradačac (“Službeni glasnik Grada Gradačac”, broj 10/22)), Gradsko vijeće Grada Gradačac, na 8. redovnoj sjednici održanoj 17.07.2025. godine, razmatrajući Izvještaj Komisije za vršenje nadzora korištenja i stanja u kome se nalazi krug “Gradine”, cjelokupni objekat “Gradine”, objekat “Lovac” sa parking prostorom ispred “Gradine”, d o n o s i

ZAKLJUČAK

I

Gradsko vijeće usvaja Izvještaj Komisije za vršenje nadzora korištenja i stanja u kome se nalazi krug “Gradine”, cjelokupni objekat “Gradine”, objekat “Lovac” sa parking prostorom ispred “Gradine”.

II

Ovaj zaključak stupa na snagu danom objavljivanja u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj:01-04-322/25 ZAMJENIK PREDSEDAVAJUĆEG
Datum:17.07.2025.god. GRADSKOG VIJEĆA
G r a d a č a c *Selma Sejdić, s.r.*

12.

Na osnovu člana 13. Zakona o principima lokalne samouprave u Federaciji BiH (“Službene novine Federacije BiH” broj 49/06 i 51/09) i člana 21. stav 1. tačka 7. i 27. Statuta Grada Gradačac (“Službeni glasnik Grada Gradačac”, broj 10/22)), Gradsko vijeće Grada Gradačac, na 8. redovnoj sjednici održanoj 17.07.2025. godine, razmatrajući Izvještaj Komisije za vršenje nadzora korištenja i stanja u kome se nalazi objekat “Autobuske stanice” u Gradačcu, d o n o s i

ZAKLJUČAK

I

Gradsko vijeće usvaja Izvještaj Komisije za vršenje nadzora korištenja i stanja u kome se nalazi objekat “Autobuske stanice” u Gradačcu.

II

Ovaj zaključak stupa na snagu danom objavljivanja u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj:01-04-323/25 ZAMJENIK PREDSEDAVAJUĆEG
Datum:17.07.2025.god. GRADSKOG VIJEĆA
G r a d a č a c *Selma Sejdić, s.r.*

1.

Na osnovu odredbi člana 11. stav 3. Zakona o zaštiti ličnih podataka („Službeni glasnik BiH“, broj: 49/06, 76/11 i 89/11-ispr.), člana 15. Zakona o principima lokalne samouprave Federacije („Službene novine Federacije BiH“, broj: 49/06 i 51/09), člana 13. stav 3. Pravilnika o načinu pristupa evidencijama i razmjeni podataka („Službeni glasnik BiH“, broj: 35/09 i 55/15) i člana 111. Statuta Grada Gradačac („Službeni glasnik Grada Gradačac“, broj: 10/22), a vezano za Sporazum potpisan između Gradonačelnika Grada Gradačac i Direktora Agencije za identifikacione dokumente, evidenciju i razmjenu podataka BiH; broj: 02-04-411-4/25 od 11.03.2025. godine, Gradonačelnik Grada Gradačac, donosi

PRAVILNIK

o načinu korištenja stalnog pristupa podacima iz evidencije prebivališta i boravišta državljana BiH

Član 1.

- (1) Ovim Pravilnikom uređuje se pristup web servisu, odnosno način i obim korištenja stalnog pristupa podacima iz evidencije prebivališta i boravišta državljana BiH kojeg vodi i tehnički održava Agencija za identifikacione dokumente, evidenciju i razmjenu podataka BiH, a kojim mogu pristupiti zaposlenici Grada Gradačacna osnovu Rješenja broj: 15-07-07-8-9122-2/2024 od 03.10.2024. godine.
- (2) Stalni pristup podacima iz evidencije prebivališta i boravišta državljana BiH obuhvata sljedeće podatke: ime i prezime, JMB, mjesto prebivališta, općinu prebivališta, ulicu prebivališta, kućni broj, kanton prebivališta (ako odgovara), entitet, te status prebivališta.
- (3) Provjera podataka putem web servisa vrši se na osnovu jedinstvenog matičnog broja koji stranke prilikom ostvarivanja svojih prava u Gradu Gradačac, unose na propisanim obrascima.

Član 2.

Ovaj Pravilnik ima za svrhu brže i jednostavnije rješavanje zahtjeva građana u postupcima Službi za upravu Grada Gradačac gdje je potrebno kao dokaz priložiti uvjerenje o prebivalištu.

Član 3.

- (1) Pristup podacima iz evidencije prebivališta i

boravišta državljana BiH je moguć u Službama koje su iskazale potrebu za pristup, a radi izvršavanja svojih propisanih nadležnosti:

Gradska služba za društvene djelatnosti, boračko-invalidsku i socijalnu zaštitu, u sljedećim postupcima:

- Ostvarivanja prava na stipendiju Grada Gradačac
- Ostvarivanje prava po javnim pozivima iz oblasti obrazovanja, kulture, sporta, socijalne zaštite
- Izdavanje uvjerenja iz oblasti socijalne zaštite-subvencioniranje prevoza i sl.
- Novčana podrška za studentske posjete, studentske prakse, magistarske i doktorske radove
- Lična invalidnina
- Porodična invalidnina
- Mjesečni novčani dodatak po osnovu ratnog odlikovanja
- Egzistencijalna naknada za demobilisane branioce
- Egzistencijalna naknada za supružnike umrlih demobilisanih boranioca
- Egzistencijalna naknada za DB –povratnika u entitet RS ili Brčko Distrikt BiH
- Troškovi za sahrane-dženaze od Kantona
- Priznanje svojstva ratnog-mirovinskog vojnog invalida
- Nabavka ortopedskih i drugih pomagala i njihova opravka
- JNP putem organa
- Priznavanje prava novčane egzistencijalne naknade TK
- Refundacija finansijskih sredstava u svrhu priključka na infrastrukturnu mrežu
- Alternativni smještaj raseljenih lica i lica u stanju socijalne potrebe
- Zdravstveno osiguranje boračkih populacija
- Pomoć u liječenju i nabavci lijekova boračkih populacija
- Pomoć u liječenju za dijabetičare do 30 godinastarosti
- Priznavanje statusa raseljenog lica
- Zdravstvena zaštita raseljenog lica

Gradska služba za privredu, razvoj i poduzetništvo, u sljedećim postupcima:

- Registracija trgovačkih radnji
- Registraciji obrtničkih radnji
- Registraciji ugostiteljskih radnji
- Registraciji prevoza za vlastite potrebe
- Registraciji javnog prevoza putnika i tereta

Gradska služba za komunalne poslove i prostorno uređenje, u sljedećim postupcima:

- Subvencioniranje troškova potrošnje i otpadne vode

Gradska služba za imovinsko-pravne i geodetske poslove, u sljedećim postupcima:

- Promjena podataka posjednika / vlasnika

Gradska služba za opću i e-upravu, informatiku i inspeksijske poslove, u sljedećim postupcima:

- Upis u matičnu knjigu rođenih
- Upis u matičnu knjigu rođenih, lica rođenih u inostranstvu
- Sklapanje braka
- Upis u matičnu knjigu vjenčanih, državljana BiH vjenčanih u inostranstvu
- Upis u matičnu knjigu umrlih
- Upis u matičnu knjigu umrlih, državljana BiH umrlih u inostranstvu
- Pristup informacijama kod vođenja postupaka gradske inspekcije
- Izricanje prekršajnih naloga preko registarskih oznaka

- (2) Svi zaposlenici na radnim mjestima iz stava 1. ovog člana dužni su se prilikom obrade ličnih podataka pridržavati Zakona o zaštiti ličnih podataka.

Član 4.

- (1) Svakom zaposleniku se dodjeljuje korisničko ime i šifra za pristup bazi podataka. Zaposlenik je odgovoran za zakonitu upotrebu šifre i čuvanje tajnosti iste od neovlaštenog pristupa drugim licima.
- (2) Zabranjeno je pristupanje podacima pod tuđim korisničkim imenom.

Član 5.

- (1) Kada se radi o postupcima u kojima se kao dokaz traži mjesto prebivališta podnosioca zahtjeva (stranka u postupku), dokaz o činjenici prebivališta pribavlja po službenoj dužnosti zaposlenik Grada Gradačac, voditelj postupka, na način što pristupa web servisu.
- (2) Zaposlenici koji imaju pristup podacima iz evidencije prebivališta i boravišta državljana BiH, podatke ne printaju, nego se nakon izvršenog uvida, sastavlja službenazabilješka koja predstavlja dokaz o činjenici prebivališta, te se službena zabilješka ulaže u predmet.
- (3) U postupcima u kojima se traže podaci o vremenskom razdoblju trajanja prebivališta, stranke se upućuju u nadležni organ koji će izdati potvrdu o prebivalištu, jer web servis ne omogućava pristup navedenim podacima.

Član 6.

U skladu sa članom 73. stav (2) Zakona o upravnom postupku Federacije BiH, službena zabilješka iz člana 6. ovog Pravilnika minimalno

mora sadržavati zaglavlje Službe, broj, datum, broj predmeta za koji se vrši pretraga, podatke o prebivalištu za lice za koje se vršila pretraga na web servisu, puno ime i prezime zaposlenika koji je vršio pretragu.

Član 7.

Viši stručni saradnik za softversku podršku i implementaciju servisa Viši referent za podršku i održavanje IT infrastrukture su zaduženi za administriranje korisnika i za sprovođenje pravila sigurnosti definisanih od strane Agencije za identifikacione dokumente, evidenciju i razmjenu podataka BiH.

Član 8.

Ovaj Pravilnik stupa na snagu danom donošenja i biti će objavljen u Službenom glasniku Grada Gradačac.

Bosna i Hercegovina
Federacija Bosne i Hercegovine
Tuzlanski kanton
Grad Gradačac
Gradonačelnik

Broj:02-04-2146/25

Gradačac

Datum:03.07.2025.god.

Gradonačelnik

Hajrudin Mehanović, s.r.

2. Na osnovu člana 3. i člana 28. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15 i 102/15, 104/16, 5/18, 11/19, 99/19, 25a/22 i 7/25), člana 2. Zakona o trezoru u Federaciji Bosne i Hercegovine („Službene novine Federacije BiH“, br. 26/16, 3/20 i 60/23), Pravilnika o utvrđivanju i načinu vođenja registra budžetskih korisnika („Službene novine Federacije BiH“ br. 30/14), Gradonačelnik donosi:

REGISTAR BUDŽETSKIH KORISNIKA GRADA GRADAČAC ZA 2026. GODINU

Datum: 10.07.2025.

Broj: 02-11-2-2222/25

R. b.	Datum upisa	Datum posljednje promjene	Datum brisanja iz registra	Naziv budžetskog korisnika	Naziv nadležnog ministarstva/sluzbe	Oznaka nadležnog ministarstva/sluzbe	Oznaka budžetskog korisnika	Identifikacioni broj (ID broj)	Adresa budžetskog korisnika	Statistička oznaka općine	Standardna Klasifikacija djelatnosti (šifra djelatnosti)	Osoba za kontakt, telefon, fax, e-mail	Osnivač	Naziv, broj i datum osnivačkog akta budžetskog korisnika	Izvori finansiranja	Ime i prezime ovlaštene osobe za zastupanje budžetskog korisnika	Broj lične karte ovlaštene osobe
1	20.12.2021	29.12.2022		Jedinstveni gradski organ Grada Gradačac	Gradonačelnik	2	2	4209156840000	H.K. Gradaš čevića 4, 76250, Gradačac	036	84-11	Hajrudin Mehanović Gradonačelnik 035 369 750	Grad Gradačac	Odluka o organizaciji i djelokrugu rada službi za upravu i stručnih službi Grada Gradačac (Sl. glasnik Grada Gradačac 6/22 i 9/22)	budžet grada	Hajrudin Mehanović	110T0379J

Gradonačelnik
Hajrudin Mehanović

S A D R Ź A J
“Službenog glasnika Grada Gradačac” broj 8/25

AKTI GRADSKOG VIJEĆA SA 8. REDOVNE SJEDNICE ODRŽANE 17.07.2025. g.

1. Zaključak o usvajanju Izvještaja o izvršenju Budžeta Grada Gradačac za period 01.01-30.06.2025. godine	450
2. Program održavanja ulica, lokalnih i nekategorisanih cesta i trotoara u zimskom periodu za sezonu 2025-2026. godina	450
3. Odluka o isporuci vode Gradu Srebrenik	464
4. Odluka o davanju saglasnosti za potpisivanje aneksa na ugovor o zakupu OPU-IP-375/2021 od 25.03.2021. godine	464
5. Odluka o upisu prava vlasništva na etažnim jedinicama-stanovima u korist Grada Gradačac	465
6. Odluka o utvrđivanju javnog interesa za rekonstrukciju, rehabilitaciju i sanaciju regionalne ceste R-460 “Vučkovci - Hrgovi Donji”	465
7. Odluka o prodaji nekretnina u vlasništvu Grada Gradačac	467
8. Odluka o utvrđivanju standard i kriterija za imenovanje pravobranioca i zamjenika pravobranioca Gradskog prvobranilaštva Gradačac	469
9. Rješenje o imenovanju Komisije za utvrđivanje prometne vrijednosti nepokretnosti i prava	476
10. Rješenje o imenovanju člana Upravnog odbora Javne ustanove Apoteke Gradačac ispred Ministarstva zdravstva Tuzlanskog kantona	476
11. Izvještaj Komisije za vršenje nadzora korištenja i stanja u kome se nalazi krug “Gradine” cjelokupni objekat “Gradine”, objekat “Lovac” sa parking prostorom ispred “Gradine”	477
12. Izvještaj Komisije za vršenje nadzora korištenja i stanja u kome se nalazi objekat “autobuske stanice” u Gradačcu	477

AKTI GRADONAČELNIKA

1. Pravilnik o načinu korištenja stalnog pristupa podacima iz evidencije prebivališta i boravišta državljana BiH	478
2. Registar budžetskih korisnika Grada Gradačac za 2026. godinu	480